



PALONGA atėdarė 2010-ūju kurortini sezuona

ČIŽIŪNS GINTAUTS
TAUTAVIČIŪTĖS GRETAS PORTĖGRAPĖJUOS – PALONGUOS 2010 METU
KURORTĖNĖ SEZUONA ATĖDARĪMA AKIMIRKAS

Šės metās Palonga ketoresdešimtuji karta vėsus, kas mīl jūra, saulė ėr kuopas, pakvėitė i vasaras sezonu atėdarĪma. Tuokės švėntės ė pradietas organizoutė 1971 metās. Bova laiks, ka ėr nieka



neliub vīktė, bet dabā jau, ka ėr dėdlė sunkės laikās, ka ė šalts pavasaris, švėntė vėsumet ivīkst ėr ana sotrauĥ daug dalīviu.


Palonga Lietovuo – simbuolėnė vasaras suostėnė. Ta kāp anou pradiejuom?

So žėrgās, katrėi liekė greitiau už vieji. Tėi žėrgā simbuolėškā toriejė parneštė šės metās tēp laukama šėloma ėr i mūsa pajūri. Aple tou šėloma, vasaras saulė vės sokuos kalba ėr kėtūs sezuona atėdarĪma rėnginiūs, katrėi Palonguo šės metās vika tris dėinas.

Nu pat pradiū tuo švėntie bova daug rėnginiū, katrėi primėnė ė sorėngta pėrmoujė kurorta švėntė.

Žemaitėjuo, Palonguo vėsumet par švėntės dėdlė svarbė liub būtė dūdu orketru pasėruodīmā. Šiou karta Palonguo anėi tēp pat par švėntė grajėjė išsėjouse, nu rĪta žadėna maža ėr dėdėli. Vo kuoki švėntė ba VĪtauta gatvie šormolioujėntė kermuošiaus „Paloguos Jozė“, katramė ne tik nosėpėrktė galiejė vėskuo, kuo šėrdės geidė, bet ėr kuo pasėveizietė bova, bova dėl kuo ėr seilė pavarvintė, nes i kermuošio šės

(Nukelta i 22 p.)





(Atkelta iš 21 p.)

metās soplaukė vėsė geriausė krašta tautodailininkā, kulinarėnė pavelda specelistā.

Pėrmuoji dėina daugiausė džiogėna paruodū miegiejus.

Gegužės 14 d. (pėnktadėinie) Palonguos parka sarga-suodininka nomelie (Vītauta g. 19) bova atėdarīta Vīčienės Sigitas akvarelės darbū paruoda.

Pavakarie Palonguos gintara muziejou lonkītuojus pakvėitė dvė paruodas – marinista tapītuoję Januša Česluova (JAV) kūrības ėr telšėškė juvelīra Juonuša Alfreda retrospektīvėnė gintara dėrbėniū. Vakarė tamė patemė Palonguos gintara muziejou vīka Euruopas muziejou naktėis rėngėnė, bova organizuojemas nemuokamas ekskursėjės pu muziejo.

Tuos patiuos dėinuos pavakarie i Palonguos miesta viešuosės bėbliotekas parodū salė lonkītuojus pakvėitė „Širma +“. Čė vīka „Šilka“ kluba nariū kūrības paruoda. Tuos paruoduos kura tuorė bova Stonkuvienė Daiva.

Tou patio laiko viešbutie „Pa-



langos Vėtra“ (S. Daukonata g. 35) asociacėjė „Palangos fotoklubas 750“ atėdarė tarptautėnė portėgrapėju paruoda „Baltijos pajūrio toliai“.

Pėrmoujė kurortėnė sezuona dėina paruoda „Ekspresija“ bova atėdarīta kavėnie-galerėjuo „Liepa“, kor bova ekspououjemė Rimšienės Ritas tapības darbā.

Oficialos kurorta šventės atėdarīms vīka Cėntrinie miesta aikštie.

Ontroujė dėina, kāp ėr bova laukama, miesta pažadėna Palanguos dūdu orkestras.

Nu pat rīta palongėškė ėr kurorta svetė skobie-

(Nukelta i 24 p.)





(Atkelta iš 23 p.)

jė i dar daugiau išsėmarkavusi „Palonguos Jozės“ kermuošio. Kavėnie „De Cuba“ (J. Basanavičė g. 28) lonkītuojų laukė tretiuoji tarptautėnė dekoratīviniu balondu paruoda.

Dėina i Jūratės ėr Kastītė skvera bova sokvėistė vākā i anėms skėrta švėntė.

Šeštadėinie Euruopas muziejų naktėis rėngėnė vīka Ontuona Mončė namūs-muziejou (S. Daukanto 16).

Pavakarė prasėdiejė diskusėjė „Baltėjės atmintėis ėr mintėis žemielapis“, par katrou vėsuomenė bova pristatīta Donskė Leonida knīnga „99 Baltijos istorijos. 99 Baltic stories“. Rėnginie dalīvava knīngas autuorios, Skudžinsks Gītis, prof. Aleksandravičė Egidėjės, Grubliausks Vītauts. Šeštadėinie Palonguo bova atėdarīta ėr dar vėina paruoda – Miežė Andriaus tapības.

Kavėnie „Kupeta“ bova paruodīts Milinė Virgilijus režisouts palongiškiu miegieju tētra spektaklis „Palonga Amerikuo“.

Pavakarė Palonguos gintaro muziejou vīka teatralizouts koncerts „O tam saulėtam pajūry“, koncertava vuokalinis ansamblis „Savo malonumui“.

Tou patio laiko Jūratės ėr Kastītė skverė vīka Jōnkōping miesta (Švedėjė) Brass Band'a koncerts. Jau vėsā i vakara tamė patemė skverė prasėdiejė vasaras švėntės koncertu maratuons. No vuo nu 21 valonduos Jūratės, Vītauta, J. Basanavičė gatvies galiejė pamatītė teatralizouta autuomuobiliu parada, katros atvīka ėr i Jūratės ėr Kastītė skvera. Jau aptemos tamė patemė skverė užgrajėjė Palonguos orkestras, katram šin karta talkėna daini-



ninkā Ruojos Mindaugs ėr Kužmarskītė Dalė, chuo-reografėnė grupė. Koncerta vedė Gerulātis Vėktuors. Vakara užbaigė unt Jūras tėlta vīkės muzikinis pirotechnikas rėnginīs.

Sekmadėinie tuoliau miestė šormuliava „Palonguos Jozės“ kermuošios, J. Basanavičė gatvė vīka tradicėnės gatvės krepšėnė varžības „3x3“, vo vėdordėinie vėsus sosėrinktė i pliaža, tarp Jūras tėlta ėr Ronžės opės žiuotiū, pakvėitė čė sorėngtas spalvingas žėrgū lėnktnīs.

